

LECTIONES AESTIVAS
IN ALMA LVDOVICIANA
FAVENTE DEO SVSCIPIENDAS.

RECTOR
IO. HERMANNVS
BENNER

D. ET P. THEOL. O. AC PAEDAGOGIARCHA

TOTVSQVE SENATVS

INDICIT

CIVES GENEROSOS AC NOBILISSIMOS
AD EAS DILIGENTER AVDIENDAS

PERAMANTER INVITANS

D. XXIV. MARTII ANNO MDCCXLII.

SVB SIGILLO ACADEMIAE MAIORI.

GISSAE, TYPIS EBEKH. HENR. LAMMERS, ACAD. TYP.

In Facultate Theologica

D. IO. GEORG. LIEBKNECHT,

SS. Th. P. P. O. Superintendens, Consistorialis & Stip. Princip. Eph.

Publice, lectionibus de iniquis Novatorum opinionibus & controversiis, nuper finitis, Historiam Eccles. V. T. ad ductum B. SCHMIDII, aut ven. D. LANGII propediem hor. XI. XII. resumet. *Privatim* regulis exegeticis, maximam partem explicatis, & generatim illustratis, nunc textus specialiores ad Loc. Theol. seriem collectos, resoluet, & ad formandas conciones disponet, easque publice habendas ipse, quantum negotia alia permittent, auscultabit. Denique D. BVD-DEI, aut beate defuncti D. RAMBACHII Theologiam moralem desiderantibus explicabit casibusque variis illustrabit.

D. REINH. HENR. ROLLIVS,

Theol. Prof. Ordin. Consist. Princip. Assessor, & distr. Alsfeld.

Superint. Fac. Theol. b. t. Decanus.

IN lectionibus publicis, examini novae versionis Zinzendorfia-
nae semestri præterlapso impensis hora IX. strenue perget, illisque ad finem perductis, *historiam dogmatum sacrorum*, juxta seriem capitum Theologiae dogmaticae, ex instituto propinabit. Hora vero IV. pomerid. *exercitium disputatorium* in b. Fechtii Syllogem controversiarum diebus Mercurii & Jovis continuabit. *Privatim* hora VII. *scholas* aperiet *homileticas* ad b. Rambachii nostri Institutiones publice impressas, in illis ita versaturus, ut præceptis, quanta fieri poterit, breuitate explicatis, ad praxin progrediatur, variosque textus sacros rite disponere, dispositos elaborare, elaboratosque applicare doceat, quæque in ipsa tandem actione observanda sint, censura, habendis in templo concionibus apposita, commonet.

IO.

IO. HERMANNVS BENNER

SS. Theol. D. & P. O. ac Paedagogiarcha.

Publicis curis rem exegeticam & homileticam adiuuare studebit, inde progressurus, vbi proxime ante ferias finiuit. Priuatim theologiam dogmaticam nuper confectam, de integro contexet. Polemicam, disputando, vel priuatim, sicut hucusque, vel publice, si libuerit, exercebit. De ceteris rogatus, quantum potest offeret.

ERN. FRIEDER. NEVBAVER,

SS. Theol. D. eiusque P. P. extraord.

Publice, Deo volente, eam *hist. eccles. N. T.* partem docebit, quae omnium maxime videtur esse necessaria & utilis, novam scilicet trium recentissimorum saeculorum, incipiendo a reformatione b. LVTHERI, indeque ad nostra vsque tempora pergendo. Quinque paupertati multorum consulere debeat, nulli compendio ita se adstringet, vt, qui illo careat, collegium frequentare non possit. Praecipue tamen ductum sequetur Ill. Tubingensium cancellarii, PFAFFII, vt pote cuius compendium rerum dicendarum copia reliqua omnia post se relinquit: nisi alii ven. LANGIVM, ordine con-
cinniore vtentem, maluerint. Priuatim eas sanctioris disciplinae partes tradet, quae desideratae fuerint, siue dogmaticam, siue moralem, siue polemicam, siue hermeneuticam, siue denique exegeticam ad vnum alterumue N. aut V. Foederis librum. Ad disputationes quoque habendas, siue in hermeneuticam sacram RAMBACHIANAM, siue in compendium aliquod theologiae theticae, siue & in selectas materias, paratus.

In Facultate Juridica.

D. JO. FRIED. KAYSER,

Jur. utriusque D. & P. P. O.

Collegium Juris Canonici praeterlapso semestri coeptum sedulo continuabit & hac aestate ad finem perducere contendet. Nec deerit in aliis Jurisprudentiae partibus operam suam pro desiderio Dn. Dn. Comitum impendere.

D. JO. FRIED. WAHL,

P. P. ordin.

Publice, absolutis institutionibus, ad *pandectas* progredietur; quoniam vero viam discendi Jura sine sumptibus & libris, sineque laboris taedio, vel temporis impendio, quasi per infundibulum, tam invenire facile nondum licuit, quam multi eam exoptant, praelectiones suas ad ductum *Compendii SCHÜZIO-LAVTERBACHIANI* instituet easque intra anni spatium ad finem perducet. Priuatissimas quoque lectiones coeptas continuabit sedulo, nec iis defuturus, qui privatim vel priuatissime, in quacunque alia legitimae scientiae parte, manuuctione opus habent, ut tamen meminerint, *ex puris negativis*, secundum regulam Logicorum, *nihil sequi.*

**D. HENRICVS CHRISTIANVS
SENCKENBERG,**

*Serenissimi in Regimine, ut & diuersorum Principum ac Statuum
Consiliarius ac Prof. Publ. Ord.*

Conscribet *Commentarios Systematicos de Jure Vniuerso*, eosque priuatissime non nullis Selectis Auditoribus tradet, per-
ricu-

riculum facturus, totius Juris omniumue eius partium, legitimo ordine coniungendarum. Publice *Jus Feudale* ductu Compendii sui explicabit, ab hora XI. ad XII. In cunctis vero reliquis, honoratissimorum Dominorum Commilitonum desideriis morem geret, siue ad *Instituta* siue ad *Pandectas*, siue ad *Jura Publica* curas suas euocent, siue etiam *Praxeos Forensis* desiderio capiantur.

ERN. CHRISTOPH. ARNOLDI,

J. U. L. P. P. Extraord. & Facultatis Jurid. Assessor.

PUBLICIS recitationibus per instans semestre æstivum B. C. D. Struyii Jurisprudentiam Romano-Germanico-Forensem hora IX. matutina interpretabitur. Privatim *Pandectas Lauterbachii*, *Institutiones Justiniani*, *Jus Feudale & Publicum* docebit. Aperiet quoque nouum collegium elaboratorio-practicum in Stryckii introductionem ad praxin forensi, ac selectioribus ingeniis exercitia disputatoria praebebit.

In Facultate Medica.

D. JO. CASIM. HERTIVS, P. P. O.

Publicas horas pro temporis muneris que sui ratione, demonstrationibus botanicis impendet. Privatim vero lectionibus & exercitiis anatomicis vacabit Heisteriani de-
año in iis Compendii ductum secuturus

LVD. HENR. LEO HILCHEN,

Med. D. & P. P. O.

IN collegiis, institutionalibus & practico, quae superiori semestri inchoauit, DEO vitam viresque clementissime concedente, impigre perget. Publice doctrinam de renunciatione vulnerum pertractabit.

D.

() ()

D. GERARDVS TABOR, P. P. O.

Quantum per aulica licuerit negotia, non deerit, omni opera & studio Philiatorum commoda promouere.

In Facultate Philosophica

CHRIST. FRID. AYRMANNVS,

Hist. & Philos. Prof. primar. ac Bibliothecar. Acad.

CVpientibus Cursum Studii Historici vniuersi breui tempore absolvere, noua ratione satisfacere constituit, non admittendis tamen ad Collegium, nisi Auditoribus diligentibus & gratis; quibus hunc in finem commendabit libros Gallicos, *Vallemontii* de Elementis Historicis, & *Lengleti du Fresnoy* de Methodo studii Historici; ex quibus potiora Latine vel Germanice proponet, & pro ipsorum captu explicabit. Paratus praeterea ad resumendum pro more Collegium Historiae vniuersalis ductu Cellarii, Collegium Historiae particularis ductu Pufendorffii, & Collegium Historiae Germanicae ductu Struuii.

IAC. FRID. MVLLER, P. P.

PRaelectiones, quas praeterito semestri audiuerunt pauci, sed quos multis praefert, impigre Deo praeside continuabit. Ontologiam & Psychologiam Wolffianam alia hora excutiet, utriusque simul disciplinae tutiora principia traditurus: non avidus mercedis, sed industriæ, sed rectæ Auditorum intentioni eam acceptam laturus.

IOH. LVDOVICVS ALEFELD,

Philos. naturalis Prof. ordin.

AD partem Physices posteriorem in scholis publicis delatus specialem corporum mundanorum contemplationem aggredietur, eamque per instans semestris aestiuum ad finem per-

perducere allaborabit. Cumque opportune nobis iam illuxerit cometes, phaenomenon, cuius consideratio ad hunc philosophiae naturalis locum pertinet: fusius aliquanto de natura cometarum aget. *Lectiones priuatas* per tempus aliquod interruptas sedulo continuabit, nouasque pro desiderio Dn. Commilitonum aperire non detrectabit.

D. ERNEST. FRID. NEUBAVER,

Antiqq. nec non Gr. & orientalium lingg. P. P. O.

Praelectionibus publicis libros apocryphos, quos in bibliis nostris vernaculis habemus, ex fonte graeco, h. c. Deo interpretabitur, incepturus ab eorum praestantissimis, *sapientia Salomonis & Siracidis* libello. *Priuatum* perget in *N. T. graeco*, cursoria lectione perlegendo, & absoluta per Dei gratiam superiore semestri parte priore, quatuor scil. euangelistis: aestiuo semestri *Actu apostolorum* cum *epistolis & apocalypsi* addet, sex per hebdomadam horis huic instituto destinandis, eadem, uti adhuc, methodo in posterum vsurus, ut scil. Dn. Commilitones ipsi graeca exponant & difficiliora Grammaticae resoluant: quibus ipse, quae de vocum deriuatione & vera earum phrasiumque notione & ex ritibus instituenda explicatione scitu digna sunt, adiunget. Offert etiam hac methodo *collegium cursorium ebraicum*, quo totus *pentateuchus* hoc semestri ad finem perducatur. Docebit quoque vel *priuatum*, vel *priuatissime*, *grammaticam ebraicam* DANZIANAM, nec non linguarum orientalium reliqq. cursum, itemque *antiqq. ebraicas*, si haec litterae suos inueniant amatores. Deus autem O. M. & docentem, & discentes adiuuet!

CHRIST. LVDOV. GERSTEN,

Mathes. P. O. & R. S. Lond. Sod.

Publice in docendo perget, eamque Matheseos partem explicabit, quam vsui Auditorii maxime conuenientem intelliget.

telliget. Priuatim & priuatissime nemini deerit, qui operam & manuactionem eius efflagitaturus est.

IO. ERNESTVS HOEPFNER,

Moral. P. P. O.

Praelectionibus suis tam publicis, quam priuatis, Ius naturale & moralia tractantibus, rite ad Colophonem perductis, propediem Heineccii Ethicam publice praeceptis institutisque locupletabit non minus salutaribus quam amoenis. Puffendorffii quoque libellum de Off. H. & C. commentariis suis denuo illustrabit priuatim. Quumque Serenissimo Patriae Patri placuerit, Professionem quoque Iuris extraordinariam ipsi clementissime conferre, omnem nauabit operam, ut Spartam hanc pro viribus ornet, desideriisque Iurisprudentiae Cultorum, in Collegiis post habitam orationem inauguralem publice significandis, cumulate satisfaciat.

D. FRANC. IVST. KORTHOLT,

Eloq. vtriusque Prof.

Ad finem perductis praelectionibus, quibus hucusque HEINECCII *fundamenta stili cultioris*, & celeberrimi GOTTSCHEDII *institutiones oratorias* explicauit, denuo laudatum HEINECCII libellum publice explanare incipiet. Cum vero, teste Cicerone, minimum sit de arte loqui, multo maximum ex arte dicere; stilius autem optimus dicendi magister; addet collegia oratoria practica, inque iis ita versabitur, ut ingenii & profectus vniuscuiusque, qui institutione sua uti voluerit, rationem habeat. Nuper quoque a Serenissimo Nutricio nostro *professor iuris extraord.* clementissime constitutus, habita quam primum, uti fas est, oratione inaugurali, lectiones suas iuridicas publice indicabit. In lectionibus priuatissimis sedulo perget.

Praeter ista, generosis quoque ac nobilissimis ciuibus, de luculenta equitandi, pugnandi gladio, saltandique, palaestra, Gallicae item & Italicae linguae scholis, per magistros earum artium peritissimos publice constitutos, abunde prospectum est.